

OHR, OSCE i UNMIBH osudjuju rusenje dzamija u Banja Luci prije sedam godina

U nedjelju 7. maja navrsice se sedam godina od unistenja dva od najznacajnijih kulturnih spomenika u Bosni i Hercegovini, dzamija Ferhadije i Arnaudije u Banja Luci.

U zakonu Republike Srpske ovim dzamijama je bio obezbijedjen, i jos uvijek je, najvisi stepen zastite namijenjene kulturnim spomenicima. Unistenje ovih dzamija nije imalo veze sa bilo kakvim ratnim dejstvima u Banja Luci, vec je predstavljalo varvarska djela vandalizma.

OHR, OSCE i UNMIBH koriste ovu priliku da ponovno iskazu svoju osudu ovih djela i apeliraju na vlasti da poduzmu sve neophodne zakonske korake kako bi krivicno gonili one koji su odgovorni za ova djela.

OHR, OSCE i UNMIBH nadalje pozivaju Republiku Srpsku da ispostuje svoje obaveze prema Aneksu 6 Dejtonskog mirovnog sporazuma i provede Odluku Doma za ljudska prava donesenu u junu 1999.godine. Tom Odlukom se naloziло Republici Srpskoj da odobri zahtjeve, podnesene organima vlasti u Banja Luci u martu 1997.god., da se dozvoli ponovna gradnja sedam dzamija u Banja Luci, da se dozvoli postavljanje ograde oko svih mjesta na kojima su bile dzamije te da se spriječi dalje uzurpiranje ovih lokacija. Cinjenica da ova Odluka nije provedena deset mjeseci nakon njenog izdavanja pokrece ozbiljna pitanja o predanosti Republike Srpske svojim obavezama iz oblasti ljudskih prava koje su ustanovljene u Evropskoj konvenciji o ljudskim pravima i koje predstavljaju uslov za clanstvo u Vijecu Evrope.

Trazi se dozvola da se ponovno izgrade ove dzamije. Vlasti

Republike Srpske i Banja Luke je jos uvijek nisu odobrile. Vrijeme je da se ta dozvola dodijeli.

Visoki predstavnik, sef misije OSCE-a u BiH i specijalni izaslanik Generalnog sekretara Ujedinjenih naroda ponovno izjavljuju da BiH ima buducnost u Evropi. Medjutim, ova buducnost mora biti zasnovana na toleranciji i postivanju kulturnog nasljedja i vjerske slobode svih naroda BiH.